

續滕縣志

卷一

呂式斌署



續滕縣志

華世奎署端



辛巳秋八月  
刊於法源寺

序

有清之季余為東方圖書館蒐集全  
國方志歷二十年凡得二千一百餘種  
并邊遠各區計之已十具其九民國  
既建四方議修新志者書缺有間每  
馳書假貸圖書館借抄者尤絡繹不

續滕縣志

序

一

絕竊謂於吾國文獻之徵稍有裨助  
不幸閘北之役燬於兵火百無一存丁  
茲大難戎馬蹂躪書焚版毀子遺幾  
何循此以往不亟修葺殆真有杞宋無  
徵之慨矣山東滕縣生君克昭遠道莅  
訪攜其新刊本邑續志示余余喜其



先得我心也受而讀之按滕縣志今存者有康熙十二年五十五年道光二十七年三本是編為高仲城前輩所纂踵道光志而作凡已見者不復敘闕者補之略者詳之斷自道光之末訖於宣統三年水利與民生有關鐵路為新

政之要一因一創載筆特詳入民國後則高君延柳生君克中所續事未改易者咸循曩例最近倡始者別定新名蓋運當鼎革政體攸殊固不容混前後為一也克昭淵雅好古復以所集金石拓本涉於本邑掌故者詳加攷覈附刊編末

尤足補前志所未備而余竊有感者  
今之方志比於古者列國史書史以紀  
事事必責實而彰善癉惡之意即行  
於其中余所見方志隱惡揚善多舉名  
宦循吏章氏七難慨乎言之余於是益  
歎仲城前輩為不可及也舊志有職官

譜宦績志叫則併為官師賢者表之不  
賢者糾之舊志已引其緒此則仍嚴其  
辭是非衡乎大公毀譽準諸輿論是可  
為修志者之正鵠矣世風日降廉恥淪  
亡臟官汙吏踵趾相接士大夫膺筆  
削之責者倘能於賞罰不行之日而

以文字之褒貶代之亦吾夫子修春秋之志也斯志也豈不可為之先導乎清賜進士出身前翰林院庶吉士海鹽張元濟



序

皆曰郡縣志史之枝流也信乎曰非也然則奚始曰昉于經吾  
讀周官大司徒而至誦訓一職而知古聖人之憂民至深且遠  
也其日以詔觀事者鄭氏以爲說四方久遠之事以告王博古  
所識其日以知地俗者鄭司農以爲以詔避忌不違其俗所謂  
君子行禮不求變俗也詰竊謂爲國家者有化民成俗之責者  
也若第曰不違豈商之舊染是而周之維新則非乎故曰風俗  
者太平之根本也或曰郡縣志之本于經則旣聞命矣子能充  
其類言之乎曰志山川志物產志賦役始禹貢大事記始誓誥  
志風俗始于詩志選舉始于二典周官志災祥志人物志建設

續滕縣志

序

一

始于春秋落落數大端舉而齊之以禮而治天下之道該焉矣  
雖然未旣也古聖人欲治天下必先自治其心是故讀山川志  
然後關市之險要兵家之攻守懋遷之出入可以指掌得也讀  
賦役志而知古聖人不肯盡民力也讀物產志然後知軍國之  
所需升石貨貝之所徵獻爽然于古聖人之不貴異物賤用物  
也讀選舉志而後知古聖人之能知人能作人也讀災祥志而  
後知古聖人之省厥躬也讀建設志而後知古聖人愛一夫之  
力惜十家之產可仍舊而不必改作也讀大事記而知國家之  
成敗真千秋之龜鑒也讀官師志而知古聖人之能知人能官  
人也讀人物志而知古聖人之能尊賢也迨至化行俗美雖有

猥夫鑿子皆知成仁取義之爲貴如是而天下尙有不治者乎  
詰  
自四十歲後以假歸王宜劼黃寶晉兩大令曰縣志之不修  
數十年矣子盍有意乎曰唯唯何敢信知其難也雖然吾將往  
學焉旣而歸京師時時與蓄道德能文章者遊聽其言論之鴻  
博退而觀諸子百家稍稍有所得焉迄今年八十有二矣因功  
令之初下而以所學者爲之辭前翰林院編修高熙詰謹序

續滕縣志

督修縣長

崔公甫

督修縣長

劉汝桐

督修縣長

謝錫文

協修教科長

魏棣九

監修財政科長

黃以凱

總纂前翰林院編修

高熙喆

分纂文童

先克中

纂修生員

王乾四

纂修生員

鍾星杓

續滕縣志

卷首

—

纂修文童

楊知性

採訪生員

孫厚麒

採訪生員

楊四照

採訪增生

楊四劬

採訪廩貢

楊四勛

協修生員

黃宜章

採訪文童

生克昭

採訪生員

劉震宇

採訪生員

張長庚

採訪生員

梁濟川

續滕縣志卷一

邑人高熙喆編輯

水道改徙第一

按古志以山川爲第一卷從其朔也至陸繼輅續郟城志以山川前志已載不復錄今從之謹就其水之爲生民利病者著于篇

灑水之徙也著于經傳者三今之灑猶古也其源則同其流則異發源則前志已詳矣按春秋襄十九年取邾田自灑水穀梁曰軋辭也注以爲委曲隨灑水言取邾田之多公羊謂灑水移入邾界魯隨而有之又云軋辭者軋謂委曲言取邾田委曲隨

續滕縣志

卷一

一

灑水爲界言其多也此灑水初徙之一變革也酈道元水經注云灑水西南逕蕃縣故城南又西逕薛縣故城北夏車正奚仲之國也又西逕仲虺城北晉太康地記曰奚仲遷于邳仲虺居之以爲湯左相應邵曰邳在薛徐廣史記音義曰楚元王子郢客以呂后二年封上邳侯有下故此爲上晉書地道記曰仲虺城在薛城西三十里灑水又西至湖陸縣入於泗于欽齊乘仲虺城俗曰斗城晉太康地記曰溪仲遷於邳其後仲虺復居此灑水經城北西入於泗迄今水之故迹尙存也新輿圖較勝故迹亦顯然此明以前灑水之故道也又按康熙志云灑水初不與南梁會自漕河東徙恐沙爲漕害築皇甫壩遏其南流導之

北出趙溝始與南梁會至此俗名南沙河事在嘉靖四十五年  
新圖譜以爲自姜家橋入漕此漑水再徙之一變革也又按道  
光志邑人趙孟禮漑水入荆議漑水發源於分水嶺萬山之水  
皆注之西南遇大宮山折而南經狐台西麓四五里舊有荆泉  
水勢騰湧水經注所謂蕃縣之東有泉若輪者是也自乾隆十  
二年居民於漑水轉流處疏渠溉田值山水暴漲西抵荆河而  
泉爲沙壅渠之決始特尋丈耳今則二百餘丈全勢注荆而古  
名泉不可復識計坍塌地幾萬畝屋宇數萬間播遷流離人懷爲  
魚之憂地包無畝之稅豈惟害地抑且害城此漑水三徙之奇  
災也今又甚焉者趙所云害城者特滕城耳近二十年來邑治

續滕縣志

卷一

二

東南山水猛烈齧民田東西數十丈折而北直擣縣城歲坍塌丈  
餘居民恐邑治之爲澤國也將濬焉而爲濬運河所柅所願爲  
國家者之懲前以毖後也

南梁名水古籍多殊水經注引地理志曰水出蕃縣今縣之東  
北平澤出泉若輪焉發源成川西南流分爲二水北水枝出西  
逕蕃縣北西逕滕城北由此觀之則邑治北門外里許之沙河  
乃南梁之分枝也又云南梁水以南鄰於漑亦謂之西漑水則  
一名也又鬪駟十三州志曰經無南梁之名而有涓涓之稱戴  
延之西征記云湖陸縣之東南有涓涓水則又一名矣齊召南  
水道提綱云又東南有荆溝河自東北來注之則又一名矣近

來有欲分濬之仍令其一出縣北一出縣南一入城隍以興水利上策也然時方多難民力彫劫難矣哉又按道光志張啓元傳嘉靖季世河決壞漕渠大司空奉命鑿新渠啓元擘畫力居多鄒令章某亦有聲大司空信任之章請導濶水西入南梁滕民大恐啓元力請泣下旣得請始築薛河黃甫二壩嗚乎當時若無賢令尹則馮夷邑治也久矣今何不幸而將至此

### 郡國縣城沿革第二

滕于周爲滕薛邾邾四國地其東南股撐于二百里外者不計焉或曰割自徐也然弗可考姑就前志所闕者蒐輯之其已見者稍略焉

蕃縣卽滕縣治于周爲邾地左傳所謂取邾田自濶水是也前漢志應劭曰蕃音皮杜佑通典蕃音反皮乃傳寫之誤通鑑注云當從通典反音孚袁翻圖書集成故縣城在西郭隋開皇時置隋書滕屬彭城郡舊曰蕃置蕃郡後齊廢開皇十六年改曰滕郡舊唐書仍爲滕縣屬徐州又改屬彭城新唐書屬河南道彭城郡五代屬徐州武寧節度使宋史滕屬徐州大都督彭城郡武寧軍節度本屬京東路金山東西路滕州治滕縣大定二十三年升滕陽軍爲州二十四年爲滕州元都省山東益都路滕州治滕縣明山東布政司兗州府滕縣洪武二年廢滕州縣屬濟甯府十八年改屬兗州府圖書集

成靜樂園在城西隅元監郡安侯建有雲山月波賞心三亭  
明副使李忠記

滕國春秋隱公七年滕侯來朝杜注滕國在沛國公邱縣東南  
秦置縣屬泗水郡夏侯嬰初爲滕令故曰滕公

薛國續漢志注地道記曰夏車正奚仲所封葉圭綬續山東考  
古錄漢高祖破秦泗水郡守於薛縣然則薛爲泗水郡治也  
前漢志屬魯國注夏奚仲所封國後遷于邳湯相仲虺居之  
宋書云晉惠帝元康中屬彭城宋書屬魯詩居常與許二邑  
在薛國

公邱國漢書魯共王子夷侯順封公邱侯後漢志公邱本膠國

續滕縣志

卷一

四

滕字譌也漢縣豫州沛國元和志漢武帝改滕縣爲公邱晉  
縣豫州魯郡李兆洛韻編今縣西南十四于欽齊乘以爲卽  
古滕國非是按今滕城西北三里許有田凸出上有廟碑爲  
金大定十年奚宇撰文謂爲古公邱舊志誤以爲唐人打球  
場者是也與杜注恰合

桃山國前漢王子侯表桃山侯欽城陽孝王子又地理志爲桃  
山縣屬泰山郡注桃山侯國莽曰哀魯輿地通考桃山縣在  
邑治東南三十里太平寰宇記桃山卽華采山

昌慮國魯孝王子康侯宏所封表屬泰山郡前漢志屬東海郡  
徐州刺史部注昌慮侯國莽曰慮聚師古曰慮音廬後漢志

屬東海郡昌慮有藍鄉注左昭三十一年邾黑肱以濫來奔  
杜預曰縣所治城東北有邾城小邾國也宋書屬蘭陵太守  
李兆洛韻編今縣東南六十三國志建安三年爲昌慮郡  
邾犁來城圖書集成在縣東一里梁水之東周回八里通志云  
春秋邾里來來朝卽此

仙源城圖書集成在邑治東南峭村通志云文王第四子所封  
考史無仙源國

驩城舊志以爲王驩食邑按之古籍無徵竊以爲驩或虺之轉  
音虺城卽上邳也水經注引晉大康地記曰溪仲遷于邳仲  
虺居之以爲湯左相應劭曰邳在薛徐廣史記音義曰楚元  
王子郢客封上邳侯晉書地道記曰仲虺城在薛城西三十  
里按之古尺庶或近之

續滕縣志

卷一

五

永興縣北魏置圖書集成臨城在縣南七十里臨山之西周回  
四里創築無考北魏置永興縣于邑境臨城西有永興村恐

城卽永興也李兆洛韻編永興北魏縣屬徐州蕃郡

皇興  
初置

合鄉縣前漢志屬東海郡注莽曰合聚續漢志曰合城屬東海  
郡徐州刺史部晉縣併承北魏縣徐州蘭陵郡魏書張忠爲  
嘉十二年以合鄉縣併承北魏縣徐州蘭陵郡魏書張忠爲  
合鄉令世祖南征忠歸降賜爵新昌男拜新興太守李兆洛  
韻編合鄉城今滕縣東二十三里續山東考古錄合鄉今譌

梁城

靈邱城郡國利病書云東之牟城齊靈邱也圖書集成云在城東四十里明水之南周回八里內有子城齊威王元年三晉因齊喪來伐我靈邱是也閻若璩四書釋地曰靈邱齊邊邑但實不知其所在爾

郁郎城郡國利病書云西之郁郎魯郎邑也圖書集成郁郎亭卽城西郁郎村也春秋費伯率師城郎昭公九年築郎囿括地志云郎亭在徐州滕縣西五十三里通志魚臺誤也魚臺別有郎城

堠城方輿紀要縣東五十里馬山之北薛河之南半爲河水所

續滕縣志

卷一

六

圯蓋南北朝時戍守處或謂之五固蕭齊建元二年淮北泗州民不樂屬魏齊主復遣間諜誘之於是徐州民桓標之兗州民徐猛子等所在蠶起爲寇盜聚衆保五固推司馬朗之爲主魏遣尉元等擊平之卽此地

永福縣魏書蕃郡地理韻編今滕縣東南一百二十

魏書皇興初置

陽平縣北魏兗州魯郡李兆洛韻編今滕縣地續山東考古錄劉宋陽平縣故城當在縣西南魏志魯郡陽平有滕城縣西五十里有煬城疑是也

廣戚縣續山東考古錄故城在南五十里舊以此城爲東海戚縣非也通鑑秦二世元年十一月沛公引兵之薛泗水守壯

兵敗於薛走至戚沛公左司馬得殺之胡注班志戚縣屬東海郡括地志沂州臨沂縣有戚縣故城余以地理考之沛郡之與東海相去頗遠壯兵敗而走未必能至東海之戚班志沛郡有廣戚縣章懷太子注曰廣戚故城在今徐州沛縣東恐是走廣戚之戚也按以戚爲東海縣本漢紀小顏注臨沂去沛郡亦不甚遠壯所走容或是戚而此城爲沛之廣戚則無可疑水經注泗水南逕小沛縣南又東南逕廣戚縣故城南一統志廣戚故城在江南沛縣東北四十里此城西南至沛縣吻合其數况戚縣在臨沂則此爲廣戚更不待辨也按曹參嘗爲戚令故稱戚公或此縣秦本名戚歟

湖陵縣故城在治西南七十五里縣舊係魚臺其故城兩縣各得其半沛縣亦有其地乾隆間魚臺徙今治湖陵故城大約盡割隸滕沛魚臺新志因此凡湖陵山川人物概不列人見其例言今故係此見續山東考古錄

休城舊志以爲孟子居休之休圖書集成方輿紀要皆從其說按休古無注惟孫奭疏齊邑下之地也閻徵君釋地云孟子致爲臣而歸歸于鄒也中間經過地名休者稍憇焉蓋休與滕皆在鄒南孟子經過之休非滕之休也不然豈有越過家門轉來居休之理玩各章語氣休當近齊然不可考矣與其附會也不如闕疑

南城縣漢置續山東考古錄引論衡南城之冢曾子祖父葬處  
今名曾子山在縣境

蘭陵郡晉置在曾子山東十里地名城前去邑治九十里按宋  
書蘭陵太守晉惠帝元康元年分東海立領縣三昌慮承合  
鄉郡治在嶧縣東五十里宋移治昌慮後魏移治承諸書略  
同惟在滕者無考然合鄉昌慮去滕之蘭陵較近土著人云  
係蘭陵郡城跡宛然且有乾隆碑記似亦不爲無據且附近  
不讀書人皆曰蘭陵彼安知古郡名乎姑附之以備考

南三社東南界距縣治二百二十里中隔嶧縣一段不相連屬  
自春秋至今未詳何國何地民國二十四年縣長劉汝桐巡

續滕縣志

卷一

八

徼至境有一耄年云明以先是湖也爲山水所淤遂成桑田  
近是或曰由斷白鼠一案割自徐州事不經非政體不足信

通紀第三

道光二十七年冬十月御史王東槐奏山東地方玩縱盜賊措  
置乖方陳奏得實交部議敘

二十八年夏六月御史陳壇王東槐毛鴻賓奏山東捕務廢弛

柏蔭陳孚恩奉上諭密查

山東  
通志

二十九年夏四月貸滕縣雹災倉穀緩徵 鹽務改爲官辦

咸豐二年賑滕縣水災十一月粵逆竄逼武昌湖北鹽法道王  
東槐以丁母憂解任佐守省城十二月初四日城陷死之

三年奉上諭丁憂鹽法道王東槐著按官階加一等賜卹該員  
嬰城固守臨難捐軀大節凜然著於該地方建立專祠以慰忠  
魂湖北巡撫駱秉章奏請也 見國史王東槐傳 奉上諭置義塚 七

月豐縣匪皇甫棠擾微山湖

七年春大饑人相食 五月麥大熟

八年捕總役賈金魁倡亂誅之 賈邑人也庇盜最力四方之棍匪咸以賊進日設筵四五席以

待城幾危矣知縣黃良楷誅之 八月有星出西北方久而南移光漸滅

九年頒行御製訓飭州縣條規 捐輸軍餉 四月捻匪由嶧

而滕徐州鎮傳振邦來援賊奪路走

十一年春正月奉上諭徵收錢糧折銀 二月幅匪 匪即棍 陷夏

續滕縣志 卷一 九

鎮 三月初七日幅匪火縣東關初九日捻匪圍縣城凡二十

七日解去 時城中米薪俱匱居人斯几案牀櫃以為食賊將去

往說之賊酋方住車路口王姓家行成歸鑄贗錠貳千兩饋之乃去當圍時匪已暗入城有人入明倫堂見匾上有辦綫下垂訝之復見其微微上引呼巡守者立牽下鞠之又有見城隍廟鐘樓下燃火一星近視之詰問從懷中搜出火扇擒送官鞠出

細情一夜搜出二十七人駢誅於城隍廟西 捻匪破鄭家寨大廟寨四鄉燒殺甚

慘 五月彗星見西北方 七月捻匪由滕北竄 十月捻匪

由滕奔豐碭回巢

同治元年五月捻匪竄徐州及滕嶧 六月另股黑旗捻匪至

夏鎮漕督吳棠檄總兵陳國瑞扼禦 七月彗星見西北方長

竟天 出畝捐旋停止 十月白蓮池教匪與幅匪合鄒滕大

擾 十二月緩徵明年春賦

二年金星晝見 夏四月總兵陳國瑞統兵駐滕縣城勦鄒縣  
猴子山白蓮池教匪白蓮池者教匪宋維明等所踞巢穴中環  
九大山山峻路險賊皆其上出劫入保爲患歷有年所國瑞兵  
至所部皆服紅襖襍賊中稱紅孩兒軍逆酋劉雙印率黨逆戰  
國瑞命部將郭寶昌襲其後遏其歸路康錦文潛師伏山徑中  
俟賊過半橫出截之國瑞自將一軍衝其中堅三路夾擊斬賊  
萬餘擒劉雙印等二十餘酋餘賊負嵎死守不出攻月餘未下  
至七月會夜大雨國瑞料賊防弛乃冒雨緣崖暗登大破之斬  
逆酋宋維明劉錦春等教匪平時科爾沁僧親王方督山東軍

續滕縣志

卷一

十

防以捷奏得 旨賞穿黃馬褂滕人感國瑞德立生祠祀之  
三年九月捻股由海而郟合股西奔分擾滕嶧鄒 滕縣東鄉  
有幅匪楊某蕭沅王存王攣子等均爲官軍擒斬之 捻匪及  
豐沛湖團犯臨城夏鎮德楞額梁愷迭擊之

四年春正月太白晝見 三月山東藩司丁文誠公與捻匪戰

於西倉橋敗績

時橋上有槍藥簍二兩武弁恐  
藥入賊手乃自燃火與之俱碎

四月十五日

天裂如十字無雲而雷

是月二十四  
日僧邸陣亡

六年九月捻匪分擾滕嶧鄒官軍追擊之

頒發經史

山東  
通志

九年予殉難道員王東槐諡曰文直並准其於原籍自行捐建  
專祠將該故員同時殉難之妻女家丁等一併附祀子宜勸宜

勦宜勰宜劫均著欽賜舉人山東巡撫丁寶楨奏請也

山東通志

十年予已故鹽運使銜補用道原任滕縣知縣張文林入祀名

宦祠 補常平倉穀 春縣捕何順劫已革山西總兵某于界

河誅之

何順沛邑人也最趨健先是江督馬新貽被刺辭連山西總兵某獄具遣戍道出滕縣宿界河何順入夜往劫

之歸來日未爽也越日事露邑令洪調笙命擒之何聳身越城不及者半尺役人渠玉琨以蚰蜒載刺之立死

十一年十二月乙未日重輪抱珥五色翌日如之

光緒元年蠲免同治七年至十年積欠錢糧

五年四月奉上諭前據給事中王昕奏山東委員高文保被殺一案元惡輕縱請將朱永康立正典刑冬節當交大學士會同刑部妥議具奏茲據奏稱朱永康身為縣令屢次強借商民銀

續滕縣志

卷一

十一

兩已屬貪婪不法迨委員高文保提犯伊姪朱寶森以誘殺捏報等情告知朱永康立時聽從並不阻止又以謀情與幕友密商許給委員李樹堅捐項一同捏稟嗣因緝兇緊急又給予朱寶森銀兩同趙聾子等一併縱令逃逸就該犯所供各情節而論事前則陰謀詭計逐一知情事後則兇手要證全行縱逃且被殺卽係查提控案之人是該犯先有圖脫己罪之意居心實不可問可否改爲斬監候等語詳加批覽王昕所援李毓昌被害情形成案固有不同朱永康情節重大實屬罪浮於法著卽改爲斬監候歸入本年秋審辦理廣壽等原奏將朱永康發往黑龍江各節既係按照本律定擬卽著勿庸置議理問銜心檢

高文保業經降 旨照銜從優議敘著再加恩照四品官議卹

山東  
通志

六年 上自製碑文賜殉難道員王東槐其詞曰 朕惟致命  
遂志者人臣篤棊之忱顯忠遂良者朝廷激揚之典自來犀軒  
導烈馬革捐生靡不載在旂常銘之彝鼎爾原任湖北鹽法道  
王東槐靖共在位淑慎持躬由文學而致身入詞垣而通籍朶  
殿奏凌雲之賦倚馬才工柏臺表司直之風避驄望峻八軛入  
瀑聯鳳閣之崇班五馬宣猷典熊湘之劇郡龍章載錫豸服爰  
加始奏績於閩江繼榷鹽於鄂渚泊妖氛之壓境適銜恤而居  
喪人方謂瓜代及期桃僵幸免比班超之羈異域自可生還緬

續滕縣志

卷一

十二

曾子之居武城原無官守爾迺援墨經從戎之義矢金革無避  
之衷服縞登陴援枹誓衆鑿凶門而招死士歌虞殯以勵同仇  
方冀鐵牝局威牙璋奏凱蒼兕破飛廉之陣火牛解卽墨之圍  
無如銅馬鳴張紙鳶援絕斷霽雲之指劍血猶腥張李陵之卷  
鼓聲不起遂勢窮而力竭羌城破而身亡碧血漂乎國殤丹心  
誓爲厲鬼歸元萬里先軫之面如生瞋目九原杲卿之眚尙裂  
考諸諡法勤學好問曰文敏行不撓曰直惟爾其庶幾焉於戲  
繡像褒忠之觀俎豆惟馨招魂大別之山弓刀自動稽諸舊典  
爰泐貞珉貽爾後人欽承嘉命 籌設電線及電報局  
十年蠲免同治十一年至光緒五年積欠錢糧

十四年高熙喆等上書於撫東大臣請以黃來麟黃來農入祀鄉賢祠疏入奉朝命允之 旌表徐孝子芝田

十五年蠲免光緒六年至十三年積欠錢糧 寬免本年酒稅

十六年夏五月二十四日大雨水壞房舍無算龍泉塔底層水

爲漫 九月初四日軍機大臣面奉 諭旨都察院奏山東紳

士高熙喆等請將已故道員專祠由地方致祭一摺已故湖北

鹽法道王東槐原籍專祠著准由地方官春秋致祭禮部知道

欽此 謠言北方兵變人心惶恐數日乃定

十七年五月 上諭張曜奏運河道耆安工次被劫獲犯訊辦

請將疏防員弁摘去頂戴一摺此案匪徒拒傷道員搶劫銀兩

續滕縣志

卷一

十三

並傷人役多名情節重大非尋常盜案可比難保無巨匪溷迹其間亟應迅速拏辦以遏亂萌著張曜督飭地方文武就已獲人犯嚴行訊究並將案內首要各犯嚴拏務獲從重懲辦不准一名漏網山東滕縣知縣秦應達該汛把總袁其智於此重案毫無防範僅予摘去頂戴不足示懲秦應達袁其智著先行革職仍勒令協緝該部知道

二十年蠲免十四年以後積欠錢糧 設宣講員四人赴四鄉

宣講 聖諭廣訓

二十二年舉行昭信股票

每地一頃輸銀五兩每年五釐  
生息三年歸本謂之昭信股票

二十四年春正月朔日食 改以策論試士

皇太后訓政復制藝編修張星吉奏罷昭信股票

山東通志  
張星吉傳

二十七年停武科並童試

二十八年二月奉上諭軍機大臣等有人奏山東辦理稅務弊端百出請飭查辦一摺據稱山東有漏稅者准人告發誣者不坐且提漏稅二成充賞丁役訛詐貽害多端等語差役藉端擾累實為地方之害著張人駿認真查辦妥定章程務恤下情而杜弊端另片奏滕縣匪徒綁人勒贖隊長王桂蘭通匪分贓現已查拿到省近聞有人規避處分欲為開脫等語並著確查究辦毋稍徇縱仍飭將餘匪緝拿懲治以靖閭閻原摺片均鈔給閱看將此諭令知之

山東通志

續滕縣志

卷一

十四

二十九年裁運河閘官閘夫 裁沙溝營都司官 行銅元及

銀幣

三十年蠲免連年積欠錢糧

三十一年停科舉及歲科試

三十二年舉貢考職 頒禁煙章程 王桂蘭瘐死兗州獄

三十三年鹽運司委員赴嶧縣設局試辦次年滕縣鹽務改為

印委合辦將嶧局裁撤併入滕局兼設鹽巡一營以維淮私浸

灌 檔案  
山東通志 山

知縣蕭騰驤以王晁留莊白晝劫案革職 長

備軍駐邑治勦匪

三十四年春築邑治中空礮臺

東南西北  
二處

宣統元年裁撤儒學訓導

三年九月初九日陸軍協統王振畿死事於雲南 裁撤儒學

教諭 十月江防營至駐偏師於邑治 范盈作亂營長梁世

昌禽之縣尊高立誅死 十一月前路巡防統領孔慶塘駐防

邑治勦教匪李書印擒斬之 元尚書劉德温墓當鐵道改葬

之 毛遂墓在薛城北門外當鐵道改葬之

補遺

遼會同元年二月戊子

即晉開運元年

晉將折從阮陷滕州

遼史

文廟祠祀志第四

漢永平二年三月上始帥羣臣躬養三老五更於辟雍行大射

續滕縣志

卷一

十五

禮郡縣道行鄉飲酒禮於學校皆祀聖師周公孔子牲以犬

禮儀

志孔氏繼汾曰此國學郡縣祀孔子之始

隋制國子寺每歲以四仲月上丁釋奠於先聖先師年別一行

鄉飲酒禮州郡學則以春秋仲月釋奠亦每年於學一行鄉飲

酒禮

隋書禮樂志邱氏濟曰州縣學定時以春秋二仲釋奠始此

唐貞觀四年詔州縣學皆作孔子廟

禮樂志秦氏蕙田曰此州縣立孔廟之始

二十一年詔左邱明等二十二人配享尼父廟堂

舊唐書本紀及禮樂志邱

又曰州縣以守令主祭亦始於此

唐咸亨元年詔州縣修孔子廟堂

舊唐書高宗紀

開元十一年春秋二時釋奠諸州依舊用牲牢其屬縣用酒脯

而已禮儀志

十九年春秋二時釋奠天下州縣等停牲牢惟用酒脯永為常

式禮儀志

二十七年勅兩京及兗州舊宅廟像宜改服袞冕其諸州及縣

廟宇既小但移南面不須改衣服通鑑

二十八年詔州縣春秋之祭上丁禮樂志

宋景德四年詔州縣釋奠刺史縣令初獻上佐縣丞亞獻州博

士縣主簿終獻有故以次官攝之禮樂志

大中祥符三年頒天下釋奠先聖廟儀并祭器圖宋史真宗紀東都事略

宋崇寧三年為從官位次圖頒示天下 詔增文宣王冕十有

續滕縣志 卷一 十六

二旒七十二子易以周之冕服命有司降祭服於州縣凡獻官

祝禮各服其服以盡事神之儀通考禮志邱氏濬曰此宣聖用天子冕旒之始

政和三年頒辟雍大成殿名於諸路州學禮制按文廟祀典考先時從祀諸賢並列

殿上至政和新儀成殿上惟祀配位哲位諸弟子及先儒分列東西舍是為兩廡從祀之始

宋紹興十年復釋奠文宣王為大祀其禮如社稷州縣為中祀

用王譜請也玉海

宋淳熙七年禮官言政和之後配位從祀升降及封爵不同慮

州縣塑繪不一乞依大成殿並兩廡從祀位數爵號姓名並尊

器制度頒降從之續通考

金大定十四年加宣聖十二旒十二章春明夢餘錄文廟祀典考

金明昌二年詔諸郡邑文宣王廟隳廢者復之本紀 立下馬碑碑二

一在東德配天地門外一在西道冠古今門外皆無年月按闕里志金章宗明昌二年孔子廟門置下馬碑此碑應為是時立

元至元三十一年成宗即位詔中外崇奉孔子又詔曲阜林廟

上都大都諸路府州縣邑廟學書院贍學土地及貢士莊以供

春秋二丁朔望祭祀修完廟宇自是天下郡邑廟學無不完葺

釋奠悉如舊儀

本紀及祭祀志

元大德十一年制加孔子號曰大成續通鑑 廟內有加封孔子制碑

明洪武十五年詔天下通祀孔子明史太祖紀通鑑綱目三編

二十九年定孔廟從祀

綱目三編

明成化十三年增孔子廟籩豆樂舞之數明史憲宗紀

續滕縣志 卷一 十七

明嘉靖九年定孔子諡曰至聖先師並定孔子廟制易木主釐

正從祀諸賢 立啓聖祠祀叔梁公明史歷代名臣言行錄張聰奏議文廟祀典考

順治十四年詔改主為至聖先師孔子文廟祀典考

康熙二十四年頒 御書萬世師表額於太學及天下文廟文廟

祀典考

二十八年頒 御書孔子贊及顏曾思孟四子贊於天下學文廟

祀典考

五十一年以朱子升配大成殿東序位次先賢卜子下為十一

哲文廟祀典考

雍正元年 詔封孔子先世王爵合祀五代更名啓聖祠為崇

聖祠

按文廟祀典考封木金父公為肇聖王祈父公為裕聖王防叔公為詒聖王伯夏公為昌聖王叔梁公為啓聖王

二年頒 御書生民未有額於太學闕里及天下文廟

文廟祀典考

三年 命州縣丁祭用太牢

文廟祀典考

乾隆三年三月頒 御書與天地參額於太學闕里及天下文

廟 又頒 御製聯曰氣備四時與天地鬼神日月合其德教

垂萬世繼堯舜禹湯文武作之師 又頒 御製聯曰齊家治

國平天下信斯言也布在方策率性修道致中和得其門者譬

之宮牆 又以先賢有子升哲位列東序卜子之次移朱子神

位於西序顓孫子之次為十二哲

文廟祀典考

嘉慶三年春二月頒 御書聖集大成額於太學闕里及天下

續滕縣志

卷一

十八

文廟

文廟祀典考

道光元年頒 御書聖協時中額於太學闕里及天下文廟

文廟

祀典考

咸豐元年頒 御書德齊幃載額於太學闕里及天下文廟

文廟

祀典考

光緒七年頒 御書斯文在茲額

三十二年先師孔子升為大祀頒行典禮於直省府廳州縣

一神牌舊制朱地金書今改為金地青書

一神幄及案舊制銷金紅緞今改為黃雲緞

一臨文稱引先師舊制雙擡今改為三擡 崇聖祠舊制單擡

今改爲雙擡

一祭品舊制十籩十豆今加籩二豆二爲十二籩十二豆

一樂舞舊制六佾今改爲八佾舊制專用文舞今添用武舞

一崇聖祠正位祭品舊制羊一豕一籩八豆八今加牛一加籩

二豆二爲十籩十豆

兩廡增從祀二十二

宋儒謝良佐道光二十九年從祀 宋儒李綱咸豐元年從祀

宋儒韓琦咸豐二年從祀 先賢公明儀咸豐三年從祀

先賢公孫僑咸豐七年從祀 宋儒陸秀夫咸豐八年從祀

明儒曹端咸豐十年從祀 漢儒毛亨 明儒呂柟 方孝孺

續滕縣志

卷一

十九

同治二年從祀 宋儒袁燮同治七年從祀

張履祥同治十年從祀 陸世儀同治十三年從祀

漢儒許慎光緒元年從祀 張伯行光緒二年從祀

漢儒劉德 宋儒輔廣光緒三年從祀

宋儒游酢光緒十八年從祀 宋儒呂大臨光緒二十年從祀

顧炎武 王夫之 黃宗羲光緒三十四年從祀

崇聖祠增配官一人移祀一人

先賢孔氏孟皮咸豐七年配官 孔忠光緒二十三年移祀

名宦祠增祀一人

知縣張文林同治十年入祀

鄉賢祠增祀二人

黃來麟 黃來晨 光緒十四年入祀

以上秩祀

忠烈致祀二人 以下專祠

明知縣吳良能 教諭張國柱 見前建置

生祠致祀一人

總兵陳國瑞 見前建置

專祠致祀二人

王東槐 見前建置 著准由地方官春秋致祭

總兵陳國瑞 見前建置

官師志第五上

知縣

續滕縣志 卷一

二十

繡 綸 滿洲鑲黃旗人舉人

張文林 字石渠河南澠池縣人

黃良楷 字立山江西清江縣人道光辛卯科舉人

崇 亮 滿洲鑲黃旗人進士

謝佳玉 江西清江縣人進士

鄒崇孟 字煦谷廣西臨桂縣人

林士琦 字亦韓安徽懷遠縣人

黃汝楫 湖北漢陽縣人咸豐元年任有傳

趙敏功 字鑑堂河南河內縣人道光壬辰科舉人

張體健 浙江山陰縣人

龔葆琛 福建閩縣人舉人

洪調笙 字南陔湖北江夏縣人

七年至九年任有傳

周麟章 字少紱福建侯官縣人

洪用舟 字蘭楫四川松潘廳拔貢

傅 淦 安徽泗州增貢

蘇名顯

直隸交河縣人

何維堃

安徽廬江縣人

鹽者擇小康力薄之家負一橐擲於牆內遂排門入執赴官家立破矣

鄭溥

順天大興縣人

朱世俊

浙江仁和县人

能持大體

麟盛

漢軍旗人

吳邦治

江西上元縣人

沈葆琛

浙江海甯州人

黃毓奎

湖北鍾祥縣人

秦業進

湖北漢川縣人

李務滋

廣西臨桂縣人

宮本昂

江南泰州人

韓文朗

字敘臣順天宛平縣人

秦應達

湖北孝感縣人

胡寅恭

湖北灤陽縣人

程方德

字潤大江西新建縣人

葛圭藩

河南人

續勝縣志

卷一

黃葆年

江南揚州人

陳毓松

浙江臨海縣人

任昏曠

陳毓崧

字曉嵐湖南湘潭縣人

張檢

直隸人

史恩培

直隸遵化縣人

吳保和

字醴伯江蘇陽湖縣人

先白教士黜之然後施刑故民教相安不至激而生變

梁維新

福建侯官縣人

趙本厚

山西夏縣人

毛澂

字叔芸四川仁壽縣人

有傳

范得成

湖北人

蕭騰驤

四川彰明縣人

濮賢恪

字南如江蘇溧水縣人

姚詩志

字叔言廣東番禺縣人

羅繼高 直隸雄縣人 宣統三年署 高桂林 字子芳 漢軍旗人 拔貢 宣統三年任 有傳

教諭

王超烈 費縣人 廩貢道 光二十七年任 王境 榮城縣人 舉人道 光二十九年任

郭適聲 武城縣人 舉人 咸豐五年任 于功佐 高唐州人 增貢 同治元年任

張莘田 字畊夫 黃縣人 道光甲午科 解元 同治三年任 有傳

劉蔭榮 樂安縣人 舉人 光緒二年任 王繩曾 濱州人 附貢 光緒三年任

王宗漢 博山縣人 舉人 光緒四年任 劉逢陽 長山縣廩貢 光緒九年任

胥士超 利津縣人 舉人 光緒九年任 韓詩長 萊蕪縣舉人 光緒十年任

朱名達 聊城縣人 舉人 光緒十一年任 劉啓宇 掖縣人 舉人 光緒十二年任

鄭淑詹 字良一 日照縣人 壬戌舉人 光緒十三年任 十 年再任 尊經閣址基俱無 重修之功 同于創

續滕縣志

卷一

高駿聲 歷城縣人 優貢 光緒十六年署 王復祥 字又禎 郟城縣人 光緒三十三年再任 為索贖見 禮不遂 借考課痛打新生

高玉樹 黃縣人 歲貢道 光二十八年任 趙鵬舉 字雲路 德平縣人 歲貢 咸豐二年任

訓導

許瀚 字印林 日照縣人 舉人 咸豐四年任 博學善教 尤精書法 李德重 德州人 歲貢 咸豐八年任

都龍錫 字九齡 安邱縣人 舉人 咸豐七年任 展紹瀛 新城縣人 廩貢 光緒七年任

張東序 字鏞堂 新城縣人 歲貢 咸豐九年任 光緒六年任 陳德輿 德州人 廩貢 光緒十一年任

王者貴 字寶生 莒州人 拔貢 光緒八年任 吳立亭 字子仲 譜名興仁 昌邑縣人 光緒辛卯科 舉人 十八年任 在任中 試戊戌科 進士

劉慕周 字景濂 濰縣人 光緒庚辰科 副貢 二十六年任

縣丞

劉思隸 光緒二十六年任 順天宛平縣人道

顧熊徵 光緒二十七年任 順天宛平縣人道

劉桂南 咸豐元年任 四川溫江縣人

莫維翰 咸豐三年任 順天宛平縣人

祝士璵 咸豐七年任 浙江秀水縣人

章兆堦 咸豐十年任 順天通州人

陳步墀 同治元年任 順天涿州人

俞啓元 同治七年任 同治七年

何德淦 同治十一年任 浙江蕭山縣人

陳寯 同治十一年任 順天大興縣人

吳增劭 同治十二年任 直隸河間縣人 附

師元中 同治十年任 同治十年

李樹堅 光緒二年任 光緒二年

杜墉 光緒九年任 江蘇嘉定縣人

劉思霖 光緒十年任 江西金谿縣人

彭錫瑞 光緒十一年任 湖南長沙縣人

錢稼良 光緒十二年任 浙江山陰縣人 附

張桂一 光緒十五年任 河南光山縣人

續滕縣志

卷一

張兆蓉 光緒十八年任 直隸定州人 附 貢

曹杰 光緒二十年任 光緒二十年

王恩慶 光緒二十年任 光緒二十年

程璞 光緒二十年任 光緒二十年 代理

金毓遠 光緒二十年任 光緒二十年

王惟賢 光緒二十年任 光緒二十年

邵琅琦 光緒二十年任 光緒二十年

葉永福 光緒二十年任 光緒二十年

張策 光緒三十年任 光緒三十年

程定邦 宣統元年任 宣統元年

管河縣丞

道光二十七年至 咸豐十一年 闕

張壽鴻 同治元年任 同治元年

齊恩銓 同治四年任 直隸天津縣人

徐濬 同治五年任 同治五年

錢日燦 同治六年任 江蘇金匱縣人

張毓珍 直隸磁州人 同 治 十 一 年 任

朱爲彝 浙江德清縣人 監 生 光 緒 二 年 代 理

姚寶善 浙江山陰縣人 光緒二年署

周楨 安徽當塗縣人 附 貢 光 緒 五 年 代 理

尹啓元

光緒五年任  
直隸長垣縣人

昂阿拉

光緒六年任  
滿洲正白旗人

毛繩承

光緒十一年代理  
河南武陟縣人

春惠

光緒十二年署  
蒙古古鑲藍旗人

周澤普

光緒十年任  
光緒十年任

戴維楨

光緒十五年任  
安徽鳳陽縣人

謝祖勳

光緒十五年任  
福建長樂縣人

龔敬圖

光緒十八年任  
福建閩縣人

徐劬

光緒十九年任  
江蘇嘉定縣人

原田祝

光緒二十年任  
光緒二十年任

周維漢

光緒二十年代理  
光緒二十年代理

王承均

光緒二十年任  
光緒二十年任

王錫鹵

光緒二十年代理  
光緒二十年代理

唐淞舉

光緒三十年任  
光緒三十年任

典史

柴春泰

直隸清苑縣人  
光緒十八年任

李廷熙

直隸遵化縣人  
光緒十九年任

余慶昌

浙江仁和县人  
光緒三十年任

杜愷

順天寧河縣人  
咸豐二年任

續滕縣志

卷一

二十四

戴勉

順天昌平縣人  
咸豐五年任

童大經

順天大興縣人  
咸豐七年任

朱念曾

順天大興縣人  
咸豐十年任

楊隸

安徽桐城縣人  
同治元年任

蔡三益

順天宛平縣人  
同治二年任

馮耀南

直隸鹽山縣人  
同治三年任

秦邦慶

江蘇金匱人  
光緒二年以清慎任久

馮邦彥

直隸南宮縣人  
光緒三年署

沈錫麒

順天通州人  
光緒四年任

楊近堂

直隸曲陽縣人  
光緒六年任

王炳

順天大興縣人  
光緒七年署

吳繼璜

江蘇陽湖縣人  
光緒十二年代理

楊郁文

直隸天津縣人  
光緒十三年任

吳恩蕃

江蘇元和縣人  
光緒十四年任

陳祖壽

光緒二十年任  
光緒二十年任

孫尙賢

光緒二十年任  
光緒二十年任

倪鎬

光緒二十年任  
光緒二十年任

樊國慶

光緒二十年任  
光緒二十年任

姜寶瑜

光緒二十年代理  
光緒二十年代理

顧先楫

光緒二十年代理  
光緒二十年代理

王輝斗 光緒二年代理

龔忠義 光緒三年代理

周汝霖 光緒三年代理

武恪忠 光緒三十年署

王振家 山西靈石縣人光緒三十年再任

都司 道光二十七年同治年闕

舒明阿 旗人光緒年任

把總 道光二十七年至咸豐年闕

杜連湘 同治十年任

張福祿 歷城縣人光緒十一年任

牛鳳林 光緒十年任

袁其智 光緒十年任

田士傑 滋陽縣人光緒二十年任

劉純智 光緒二十年任

彭口閘閘官

續滕縣志 卷一

朱永清 道光三十年任

龔壽春 咸豐二年任

朱兆奎 咸豐三年任

蕭日藻 咸豐五年任

姜大楷 順天宛平縣人監生同治元年任

連奎 滿洲正白旗人同治二年任

席葆元 同治三年任

陳元 同治四年任

馮永安 浙江山陰縣人同治七年任

項文彥 同治十年任

江濤 同治十年任

黃炳坦 光緒四年任

陳積學 河南祥符縣人光緒四年任

鮑居義 河南祥符縣人光緒十一年任

安長 滿洲鑲黃旗人光緒十一年任

葉世昌 浙江山陰縣人光緒十二年任

胡秀昌 濟甯州人光緒十九年任

歐陽潤 浙江山陰縣人光緒二十一年任

余承瓚 光緒二十年代理

楊夢鯁 光緒二十九年任

警察巡官

光緒三十一年始置

趙日謙 王玉清 王 森 于錫貴 徐桐文 曹同章

顏振玉

官師志第五下

嗚呼當咸豐辛酉後吾滕多循吏此天下之治幾乎故謹書之以勸來者

張文林字石渠河南澠池縣人道光辛卯科舉人與黃先生公振爲同年友相得也爲政寬嚴允愜摘發如神吏民畏服盜賊屏息政績爲二百年來之冠祀名宦當同治中言循良者必首及焉今欲訪其軼事而逸老盡矣惜哉惜哉

續滕縣志

卷一

二十六

黃良楷字立山江西清江縣人道光辛卯科舉人性嚴明果毅嫉惡如讐當咸豐中皖豫曹沂羣盜如毛而滕之棍匪卒不得逞者皆秉其威令故能弭禍于無形也浙江鄒鍾爲之立傳具載文集中欲蒐採其事而殘編之散軼久矣然至今父老言戡亂者必稱焉曰使爲縣者人人得如黃大令東山之寇虐何至如是之烈也哉

趙敏功字鑑堂河南河內縣人以進士令滕咸豐辛酉之亂捻匪圍城二十七日内無糧儲薪蒸外寇潛入城亂將作矣公偵知之立擒二十餘人誅之於城隍廟外日夜巡城見守陴者揖而慰之或怠而斲則曰此滿城大命也不小懲何以戒將來雖

然此亦如塾師之責生徒耳無辱也言未終犯者伏地待笞守者聞杖地聲遂去城卒完

鄒崇孟字煦谷廣西臨桂人以進士令滕時值捻匪亂後來去靡常滕嶧棍匪大起公簡練桀俊畀以事權知邑紳黃來麟黃來晨徐甲相爲最賢尊而禮之以是知四陲之人物賢否有不法立誅之適值陳將軍國瑞平白蓮之亂將軍於當時顯宦恆卑視無當意者獨知鄒爲循良吏師事之大書治化功深字揭其堂甫二年卒于官

洪調笙字南陔湖北江夏人以舉人令滕性嚴正履任凡七年政平人和無敢干以私者每書院考課生徒指事理法皆心領

續滕縣志

卷一

二十七

會善然以解

龔葆琛字 福建閩縣人洪以舉人調庚午鄉試同考官爲之代理公正廉明深恤民隱甫三月循例以去輿論惜之政績見藝文志

周麟章字少紱福建侯官人以進士令滕考課諸生指授文法始終不怠惟簡率任情士論惜之

洪用舟字蘭楫四川松潘廳人以拔貢令滕始創修試院勤於作人明於決獄西門外因強姦弱女不允罵詈被殺往勘焉見一人襪上血痕寢大也遂鞫之一訊而服衆目其襪無見也咸服其神任甫期年調陽穀後調歷城諸生赴秋闈皆臚焉

李務滋字景川廣西臨桂人以進士令滕有惠政任未久移去  
毛澍四川人以翰林散館由泰安調滕政舉而民不擾任未久  
故

高桂林字子芳直隸人以拔貢令滕廉明正直不畏強禦時值  
張帥軍潰數日不食人情洶洶懼其亂也乃親往謁帥帥拔契  
箭以令軍中有不守法者斬以徇一邑遂安

張莘田字耕夫黃縣人道光甲午解元張帥良弼裔也爲人方  
正廉直有古人風嘗青鞋布襪非公不至縣署以制藝自雄塗  
乙諸生文字辨色起夜分不倦任教諭者前後皆莫及

杜連湘兗州滋陽人也仕滕縣把總操行廉正滕故多市井無  
續滕縣志 卷一 二十八  
賴每酗酒逞凶或沿街漫罵一方皆畏避苟偵知之必痛懲焉  
甫期年坊巷肅清人至今思之

韓培正嶧縣人也奉道檄勦滕嶧棍匪兄弟輩皆勇健能武爲  
人性剛氣猛遇通匪者不稍假借而殺賊又最力咸豐庚申爲  
蔡姓所戕滕人聞之如壞一長城

陳國瑞字慶雲湖北人僧邸驍將也年最少奉檄討鄒縣猴子  
山白蓮教匪駐節邑城軍律嚴整有小過輒誅之或代爲請曰  
此皆長髮賊也罪已通於天矣今反正仍怙惡吾誅其前罪耳  
況又重犯聞者嘆服尤豁達大度夏卧一榻屋內外皆降賊也  
惟以正氣彈壓餉至立發無角尖扣者爲軍心所服不敢違夜

起旋見戰士卧地皆斃，日咄健兒隨老子者皆虎也。誰敢者。

甫三月教匪平事見藝文志

選舉志第六

甲科

黃來農 道光庚戌科任江高熙喆 光緒丙戌科翰林院編

科山西正考官掌貴州湖廣道監察御史署工科給事中歷任直隸宣化府大名府甘肅甯夏府知府

黃雲路 光緒庚寅科准恩賜

鄉科

劉學潤 咸豐辛亥科徐子煒 咸豐戊午科

魯芮元 咸豐己未恩科孟瑞林 同治壬戌科

續滕縣志 卷一 二十九

趙毓芝 同治壬戌科金鳳梧 同治壬戌科

王士楠 同治壬戌科王宜勳 東槐長子同治九年蒙欽賜

王宜勳 東槐次子同治九年蒙欽賜王宜勳 東槐第三子同治九年蒙欽賜

王宜劼 福建第四子同治九年蒙欽賜歷任福建陽古田龍溪長樂縣知縣

王廷棟 同治癸酉科歷任雲南呈貢太和縣知縣黃雲路 光緒丙戌科蒙恩賜

趙九河 光緒丙子科蒙恩賜孫遇冒 光緒己卯科

高熙喆 光緒壬午科吳樹楫 光緒辛卯科刑部郎中

鄭叔芸 光緒辛卯科書閣中書高長安 光緒甲午科北京

党達生 光緒甲午科任陝西興安府知府蔣鴻斌 光緒庚子辛丑年恩正

閩移於河南改試策論經義廢八股文試帖詩

五貢

杜向貞

李簡堂

趙仲焯

黃貽飛

王中行

黃道平

王士達

周維新

郭鑫

咸豐八年歲貢  
淄川訓導

孫豐潤

鍾季平

張學杜

咸豐八年歲貢

武漢清

段清鑑

咸豐辛酉科拔貢

甘咸和

王化宇

同治元年恩貢

楊凜型

同治元年歲貢

楊思忠

張松岩

王繼虞

張尙鼐

同治庚午科副貢

段雨田

同治元年歲貢

邢永憲

同治十一年恩貢

呂冠千

同治十一年歲貢

王金瀛

同治十二年商河縣教諭拔貢

高熙喆

同治癸酉科副貢

續滕縣志

卷一

三十

仇言愼

同治十三年歲貢

宋星符

光緒二年恩貢

朱賡駒

光緒二年歲貢

陳景虞

光緒四年歲貢

李壽昌

光緒二年恩貢

劉荆堂

光緒六年歲貢

王應奎

光緒八年恩貢

張祚蘭

光緒八年歲貢

种鎮西

光緒十年歲貢

閆法魯

光緒乙酉科拔貢

張廣寅

光緒乙酉科拔貢

仇錫元

光緒十二年歲貢

孟雨田

光緒十四年歲貢

田嶷若

光緒十六年恩貢

周曉林

光緒十六年恩貢

魯子相

光緒中書閣

王鴻賓

歲貢

李傳一

光緒十八年歲貢

王見龍

光緒二十年歲貢

王宜聘

光緒二十年府學歲貢

王建杓

光緒二十年歲貢

魯景嶧

光緒丁酉科補道

張崇謙

光緒二十四年府學歲貢

張汝瀛

光緒州判直隸

王以節

歲貢

杜棠

光緒二十六年府學歲貢

張廣至

光緒二十年歲貢

邱作模

光緒二十八年府學歲貢

金廷槐

光緒二十年歲貢

王震輔 光緒三十一年以濟南大學堂畢業准賞為優貢

孫道恩 宣統己酉科拔貢

毛穎士 宣統己酉科拔貢

王以貴 歲貢

謝潤瑚 歲貢

孫登岸 歲貢

孫登翹 歲貢

任慶泰 光緒二十年恩貢

孔氏選舉

鄉科

孔憲標 光緒戊子科

孔慶肅 光緒己丑恩科

武鄉科

王冠英 咸豐壬子科

優級師範選科畢業

陳名豫 歷任山東省政府民政廳廳長工商廳廳長

李慶施 山東省政府秘書長建設廳廳長

高等學堂畢業

續滕縣志 卷一

三十一

黃以芳 劉曾璧 顏蕙山 王宜春 渠有潤 張豐筠

本省法政專門畢業

張思緯 歷仕本省省長公署督軍公署督辦公署顧問參議財政部參事

王衍塏 王家楹

王紀臣 趙鳳堯 馬耀廷 鄭珩 王雲亭 馬印卿

武功選舉

張仁奎 初名錦湖光緒中入廣西戎行歷仕署兩淮鹽運使南通鎮守使民國十五年捐本縣賑款銀幣二千元二十

一年捐本縣東山賑濟二千元 王振畿 由武備學堂畢業有傳

楊士元 光緒三十二年由北洋陸軍速成學堂畢業宣統三年由東三省將校講武堂畢業歷官晉軍師長北伐之役

任雁門左翼指揮官兼第一軍軍長 杜彩廷 由行伍以千總補用加守備銜

邱昌錦 由北洋大學堂畢業歷仕至安 徐廣獻 由戎行歷官徽陸軍第四混成旅旅長有傳 直魯豫巡閱

使署副  
官長

**朱憲文**

由保定將弁學校第一班畢業仕至川邊第二混成旅旅長川邊總司令

**劉奉濱**

由濟甯第七中學畢業又保定軍官學校畢業仕至晉軍第六師師長六十六師二百一十二旅旅長

**李文彬**

由北洋陸軍隨營畢業歷仕安徽陸軍第四混成旅第一團團長

**王振賢**

由北洋將弁學堂畢業仕至團長

**鄭殿甲**

由安徽隨營學堂畢業有傳

**王玉琛**

由北洋陸軍第一師第一旅團長

**劉景雲**

隨營學校畢業江蘇營長

孔氏選舉

**孔慶塘**

由天津武備學堂歷仕山西大同鎮總兵山東兗沂曹濟道

**孔昭同**

由副生江北陸軍學校畢業民國政府模範團畢業歷任陸軍第十二師步兵第二十四旅旅長陸軍第二十

**永鎮守使**

九混成旅長福建興泉永警備總司令福建興泉永鎮守使民國十五年捐本縣賑款銀幣二千元

**孔繁霽**

由日本士官學校畢業歷充軍長補授陸軍中將將軍府將軍現官河東鹽運使

續滕縣志

卷一

三十二

**孔繁霖**

慶塘長子由山西武備學堂畢業授陸軍步兵中校

**孔慶慈**

本省法政專門畢業 **孔繁霽** 美國葛林耳大學畢業現充清華大學教授

**孔憲涇**

本省公立農業專門科畢業 **孔繁珪** 本省公立農業專門科畢業

**孔繁璧**

本省公立商業專門學校畢業 **孔繁達** 北平私立民國大學畢業

**孔憲留**

上海私立東亞體育專門畢業

建設志第七

咸豐元年五月修泇河隄壩

十二月修泇河石埽

四年滕人重修城垣

用銀三萬兩

冬十月修泇河隄工

同治三年秋七月總兵陳國瑞專祠落成

十一年三月修泇河隄工

光緒元年考棚落成

道一書院舊基也知縣洪用舟創修何維堃竣事邑人黃碩卿督其役

光緒六年設電線及電報局

十五年冬王文直公專祠落成

十九年滕人重修城垣

知縣韓文朗勸捐最摯邑人王以劼督其役實用錢四萬緡

二十四年建設學堂

二十七年設郵政局

三十四年設巡警局及勸業所 建設城垣空心礮臺二處

宣統元年立商會 設統計所

三年設勸學所 設通俗圖書館 設財政處 設學務款產

處 設助理委員處 修鐵路 北自界河入境經滕縣南沙

續滕縣志

卷一

三十三

河官橋臨城南由沙溝出境

鐵路行車時刻 滕縣下午七點四十六分

臨城下午六點三十六分到下午六點五十一分開嗣因土

匪搶掠時刻因時改易

鐵路佔壓民田各區莊村畝數

義四區 界河 丁家莊 共大糧地二頃七十八畝七厘七

毫八絲三忽 中地四分三厘 下地一畝二厘二毫

仁二區 柳泉莊 趙辛街 鄭家莊 共大糧地四頃二畝

一分八毫八絲三忽二微 中地一分二厘九毫 下地三分

一毫

仁一區 杏花村 魯家寨 共大糧地六頃八畝九分八厘  
中地三畝五分二厘一毫 下地八畝四分四厘九毫  
信一區 玉皇廟 共大糧地一頃十六畝二分五厘 中地  
十三畝五分六厘六毫 下地三十一畝六分五厘四毫  
忠一區 杜家壩 共大糧地一頃四十九畝九分二厘四毫  
中地三畝二分二厘八毫 下地七畝四分六厘二毫  
第一區 寺院村 共大糧地五頃八十七畝一分四厘六毫  
六絲二忽七微 水地十畝五分九厘七毫 中地十一畝九  
分六厘八毫三絲五忽 下地二十九畝四分五厘九毫九絲  
七忽

續滕縣志

卷一

三十四

孝二區 馮莊 共大糧地七十二畝二分三厘

第二區 時家莊 蘇壇 荆林 共大糧地二頃六十八畝  
四分六厘

第三區 蘇家淵 官橋 孫家畝 共大糧地一頃八十四  
畝四分七厘

第四區 薛城 共大糧地一頃九十四畝六分八厘九毫三  
忽

第五區 掌大 山後村 共大糧地五頃七十五畝四分三  
厘

第九區 西倉 井亭 共大糧地七頃三十二畝九分九厘

八毫五絲 水地二畝五厘七毫五絲

第十二區 臨城 共大糧地七頃二十七畝八分三厘四毫

五忽二微 水地一畝六分六厘

第十五區 常家莊 小莊河 共大糧地三頃二十七畝三

分二厘

第十六區 沙溝 共大糧地四頃二十八畝九分六厘六毫

一絲五忽二微

第十八區 後閣莊 朱姬莊 共大糧地一頃九十四畝五

分三厘

以上津浦路

第十二區 臨城 共大糧地二頃四十五畝九分二厘三毫

續滕縣志

卷一

三十五

五絲三忽 水地一分

第九區 黃甸 共大糧地二頃四十三畝九分二厘六毫三

絲六忽

孝九區 曲白 共大糧地二頃三十三畝四分七厘一毫九

絲八忽五微

以上臨棗路

通共大糧地六十五頃七十二畝七分三厘六毫八絲九忽八

微 水地十四畝四分一厘四毫五絲 中地三十二畝八分

四厘二毫三絲五忽 下地七十八畝三分四厘七毫九絲七

忽



續滕縣志卷一終

